

01 DEC 1996

AGONG HANTAR PERUTUSAN KEPADA PEMIMPIN UAE

KUALA LUMPUR, 1 Dis (Bernama) -- Yang di-Pertuan Agong Tuanku Ja'afar telah menghantar perutusan tahniah kepada pemimpin Emiriyah Arab Bersatu (UAE) Sheikh Zayed Sultan Al-Nahyan sempena hari kemerdekaan ke-25 negara itu hari ini.

Menurut kenyataan Wisma Putra, Perdana Menteri Datuk Seri Dr Mahathir Mohamad juga menghantar perutusan kepada rakan sejawatannya dari UAE Sheikh Maktoum Rashid Al-Maktoum.

Dr Mahathir, dalam perutusannya, berharap hubungan erat antara Malaysia dan UAE akan dipertingkat dan diperkukuhkan pada masa hadapan.

Menteri Luar Datuk Abdullah Ahmad Badawi menghantar perutusan yang sama kepada Menteri Luar UAE Rashid Abdullah Al-Nuaimi. -- BERNAMA